

荊州萬城隄志

卷五卷六



03846

荊州萬城隍志卷五

防護



昔人以治河北之治兵守隍如守城也防水如防寇也有城而聽其坍塌樓櫓不繕啟閉無時戍卒散處專城之官漠不置意一旦有警乃為議巡邏設守禦壘土濬濠取辦俄頃工未及竣而狂寇掩至倉皇失措潰敗決裂不可復目問矣吾輯防護諸法先之以備患蓋患生於無備平時一動一靜誠能與隍為緣有利則興有害則去先事之防既周臨事之防自易兵法云無恃其不來恃吾有以待之彼

荊州萬城隍志 卷五 防護

僥倖於不可知之天付託於不可信之人豈足以言防護哉

目錄

備患

守汛

其人以營...

題詞

荊州萬城隍志卷五

防護上

備患

部議○查江南豫東等省河工海塘所設堡夫隄長人等俱造蓋堡房以資住宿防守今萬城大隄既有隄長圩甲應如所奏嗣後隄圩歸於同知經管按年輪流僉點每五百丈設立隄長圩甲各四名於隄上設立卡房常川住宿如有獾洞蟻穴隨時報明補修汎漲時多備守水器具協同業民晝夜防守該道府同知往來巡查一有危險卽行督率搶護如水利各官防護不

荊州萬城隍志

卷五

防護

備患

力該管道府卽查明糾叅

乾隆五十四年

按隄長圩甲向例以八月墾後僉點上隄伺應估勘新工輪年換防俾均勞逸一切雜徭悉予優免且有圩甲田以供役食防汎之外督令煙夫栽蘆種柳堆積土牛立法極善道光二十四年以後空籍無存屆期由隄差雜書姓字填給腰牌賣富僉貧虛應故事游民無藝往往樂爲藉索土牛楊筒諸費幾以煙夫爲食邑戶曩所謂圩甲田者大半轉售爲官私亦不可考同治十三年訪諸鄉民許其自陳利病始土牛楊筒諸費出示裁禁歸入歲修通詳

立案隄長圩甲仍舊供役清查冊籍缺者補之分交各工
委員管束按月點名給以臺棚以便栖宿

福觀察飭創窖金洲蘆葦札○照得窖金老新二洲阻礙江流
久奉諭旨將所產蘆葦概行刈伐創挖淨盡永遠不許栽
種並不許一人居住洲上每年春間將洲面翻犁一次以待油
刷責成府縣遵辦在案上年二月內據該前縣庾令稟該二洲
棚居之戶日益衆多請委員押遷當經本道批飭荊州府嚴飭
押令盡數拆遷嗣據該府覆稱業經出示嚴禁並委試用從九
張體仁赴洲押令拆毀至今一載曾否押拆未據申報又經札

荊州萬城隄志

卷五

防護 備忠

二

飭查覆在案茲本道風聞該二洲附近居民竟以該洲私爲己
有各占一方種植雜糧遍洲竟無餘地更敢任意搭棚居住毫
無忌憚該縣竟不查察實屬踈忽合亟嚴飭札到該縣即便遵
照刻日出示嚴禁並卽親赴該洲傳同附近保甲逐一查勘將
私種占住之戶按名拘齊押令盡數搬遷並將所種禾苗創毀
淨盡據實稟道以憑親往查勘倘再稍任書役包庇盜種各情
弊定卽據實揭叅不貸

嘉慶十七年○此條見石工
乾隆五十四年部議章程

宋太守禁隄上房屋示○照得龍二洲上新墪二處石工濱臨
大江最關緊要隄面蓋造房屋大千例禁屢經申明示禁在案

該處石工甫經完竣正宜小心防守永資鞏固誠恐無知愚民在於工所蓋造房屋居住作踐爲此示仰附近石工居民人等知悉務各恪遵法紀同相愛護隄防俾資永保田廬不許隄面造蓋房屋倘敢違定卽嚴拏從重究辦

道光十二年

按郝穴隄街於癸酉冬工加高二三尺幫寬六七丈所有市房均經拆毀工竣之後仍復蓋造小民安土重遷勢有不能禁也

王太守禁止隄上榨坊示○照得郝穴上新塏工段最關緊要茲本府訪查竟有無知之徒在於隄面造屋開設榨坊多家查

荊州萬城隄志

卷五

防護

備患

三

油榨坊在平原地方猶恐有礙地脈卽逼近隄脚之處隄身亦必爲震動況在於隄面設榨終年擊撞以致隄身拆裂坍塌不止實屬不法已極除札飭郝穴主簿將開設榨坊姓名開單稟覆一面押令搬遷如敢抗違稟候委員押令拆遷嚴拏治罪外合亟出示曉諭爲此示仰隄面開設榨坊人等知悉爾等卽將油榨刻日趕緊移遷無礙隄堦之處設榨貿易倘敢稍事抗違定卽委員按名拏究治罪決不寬貸

道光十六年

按油榨震動隄身固已若濱江之隄尤不可有鼃鼃喜聞
油香往往近岸爲窟隄更易塌

王太守飭疏橫隄漬水札○照得大隄官工橫隄一帶內濠漬水宜寬且深外面洲地淤高僅有小溝一道不足以資宣洩以致隄腳鎮年浸泡兼之風浪不時日久刷縫並隄身低矮亟須加高培厚惟該處取土維艱必須將漬水趕緊疏消以利興工久經札飭該員會同府經歷沙市凌巡檢傳諭近地紳民任金玉等勸諭督辦益將辦理情形先行稟覆在案迄今未據稟報殊屬違延合亟札催札到該員立即會同府經歷查傳附近土下柳林之紳民任金玉嚴士燦麥河口之李明文陳德榮楊家場之王永亨觀音寺之李朝臣李良玉宿駕場之玉鵬翼打鑼

荊州萬城隄志

卷五

防護 備患

四

廠及橫堤之隄華楚隄華裳等率同勘明開挖情形估計工費勸諭近地業民趁此冬晴水涸之際各自出夫赴工挑挖深通俾漬水得以及早涸復以便興工隄防重務賦命攸關該士民等自必踴躍趨公尅期竣事斷不得藉端勒派鄉愚自取咎戾

道光十八年

按橫隄漬水寬深實於工作有礙甲戌冬間據塘樓紳士隄調元等稟請借費於對岸洲地舊溝取直疏放以其魚利爲歷年歲修之資從之

程太守飭遷古月隄墳冢札○照得萬城大隄古月隄工內前

因隄身低矮估修幫寬加高查有居民在彼埋葬墳冢有礙修培久經本府出示曉諭趕緊遷葬在案迄今仍未遷葬現值趕工喫緊之際未便任聽羈延合亟籌捐錢十串文札發該員立即前赴阜安門起至馬王廟止押令地保刻即查明將有礙修培無主荒冢趕緊雇夫遷移義冢埋葬以免空壓而資修培如係有主之家亦即押令自行遷埋嗣後毋許居民再行埋葬倘敢故違即行拏究道光二十一年

按隄之上下左右最忌有墳近隄有墳則取土不便隄身有墳即爲穉蟻之藪日久棺壞雨水浸注陷成坑坎一遇

荊州萬城隄志

卷五

防護 備患

五

大汛每致誤事是在禁於未然古月隄內木條義園惟民工尤甚郝穴九華寺附隄內外亦荒冢纍纍遷移不盡無隙可以施工今謀地遷之

胡明經祖翻保護隄身議○隄身一忌劊種隄不劊種牛踏馬踐草皮堅結若劊種土鬆隄身已損兼以一望蒙茸浸漏難察一忌廁屋糞窖私剝不加嚴緊暗水浸灌隄最受傷一忌栽蓄竹樹汎漲時風急樹搖有損隄腳竹根穿隄汎水得以滲入若已伐之竹樹根株朽爛大坑小孔蛇藏蟻聚罅漏叢生更致遺誤必須搜拔淨盡切勿徇延

按予友施望雲亦云隄邊種樹惟旱隄爲宜若水隄無論隄之內外及去隄遠近皆不可種樹蓋水勢衝激樹搖土而成隙水灌隙而戕隄矣此說亦是

又填潭議○隄邊最忌泓潭平時內腳浸融臨汎外腳浪洗內外受敵鮮不致悞且泓潭近隄一有埽裂取土維艱務必洩水填泓以實隄腳又有隄外高灘隄內深泓平時妄恃外灘每多玩忽及至汎漲外灘淹沒泓最堪虞必須預爲撐腳切毋延誤按大隄內外切不可有潭然從前潰口業經衝陷數十畝深至數丈填之不滿洩之不涸而洲地逼仄難作外幫每

荊州萬城隄志

卷五

防護

備患

六

溜之患矣
歲估修頗費籌畫今先做土台數丈遞年增高庶可免埽

金果寺業民請禁隄內取土稟○向來流修皆於隄外取土間有濠水例有倍土以作填堵之資隄上土牛實爲預備險工土牛不足方許隄內取土搶築事後另行培補以備下屆急需近來射利夫頭恃爲大工人不敢阻止圖巧便不顧隄內田地即屬隄腳肆行濫挖一逢汎漲浸漏溜埽疊出險工隄內田地已泡無處取土鄉民徃來奔搶倍覺心驚况隄內沙多土少隄外淤深土堅愈淤愈高隄內愈挖愈低勢必成壑不特徒荒民業

無補隄塍反爲夫頭省工圖利之區爲此公懇給示嚴禁

方太守伐柳說○客有問於予曰荆隄種柳多歷年所吾子下車之始輒令伐盡不慮根朽蟻生寢致隄潰乎予慮之曰予不慮是不伐也去冬攝篆躬歷諸隄耳擊樹根林立滲漏從而出者十之八九詢之樹爲民植有時自伐又恐吏役以損隄見責莫敢掘根以致茲患予謂與其故留餘蘖朽壺潛滋貽後日無窮之害孰若拔其本根輦土補罅杜將來不測之憂此所以毅然有伐柳之舉也客曰若然則掘其殘根可耳顧令盡伐護隄之柳得無因噎廢食耶予曰子知柳之護隄未知柳之害隄也

荊州萬城隄志

卷五

防護

備患

七

夫未有堅多心有堅多節柳則不然枝條方盛而心朽根空甚有幹枯過半枝葉猶婀娜如故者倘不悉伐則罅隙叢生貽害匪淺客曰子今伐柳掘根掘之未盡詎不貽害更深且隄柳盡矣當夏秋漲發巨浪擊撞非柳條莫資捍禦可奈何予曰掘根能盡與否在督察之勤惰耳子將慮利不能盡與即可不興害不能盡去即可不去乎且督民盡掘尙慮小根爲豈聽民不掘反不慮大根爲害乎今所伐者隄上之柳若芟條禦浪隄內之柳取之匪遙不難一呼而集况隄外江灘仍令種植數年之後綠陰繁密足捍風濤不更有利無害哉客曰種柳護隄之議

由來已久前明平江伯陳瑄謂株根足護隄身稜葉足供搗掃
劉天和又叛爲六柳之說備言其利子獨謂其有害耶予曰隄
上植柳有損無益嘉慶初年兩江吳制軍璈已疏論之予前令
廣濟境內江隄七十餘里往返周諮深悟吳說最確大抵隄外
汀洲宜種柳且宜密種庶交柯接葉足禦風濤然須去隄七八
丈乃不至根侵入隄若隄脚隄面隄坡則斷不宜種客亦聞江
南河隄乎各汎柳園均屬官地共一千八百四十餘頃曰園曰
頃則柳在隄外不在隄上明矣雍正年間定例文武員弁捐種
柳五千株至二萬株者分別議敘百姓種二萬株者給與頂戴
亦祇勸令河灘種柳非勸令隄上種柳也客曰子之見信確矣
而事近於狃獨不懼上駭長官之聽下起士民之疑耶予曰既
灼見其害矣顧乃依違遷就以避駭與疑是事上以欺待民不
以實也然使從容以究吾說又烏知駭且疑者不曉然於吾非
好事紛更而實不忍留民隱害乎客於是喟然歎曰有是哉子
之盡心民事若是將不惟見信上游沿隄居民亦必不忍負此
苦心矣宜亟存此論以造福於無窮予聞之慙然愧肅然起曰
福則予安能造第茲事雖細所關甚鉅因爲之說俾後人踵而
行之庶斯隄永無滲漏之虞是則予之厚望也夫

按余甫蒞荆沿隄濯濯間以不種柳之故吏對如前余曰
方公之說必指隄面坦坡而言不可因噎廢食觀此釋然
劉天和六柳說○一曰卧柳凡春初築隄每月用土一層即
於隄內外邊箱各橫鋪如錢如紙柳枝一層每枝距尺許毋
太稀疏土內橫鋪二小尺餘土面只留小二寸勿過長自隄
根直栽至頂不許間少二曰低柳凡舊隄及新隄不係栽柳
時月修築者俱候春初用小引橛於隄內外自根至頂俱栽
柳如錢如紙大者縱橫各距一小尺許亦大土二小尺許土
面亦低留二小寸三曰編柳凡近河數里緊要去處不分新

荊州萬城隄志

卷五

防護 備患

九

舊隄岸俱用柳樁如鷄子大四尺長者用引橛先後隄根密
栽一層六七寸一株入土三小尺土面留一尺許卻將小柳
卧栽一層亦內留二尺外留二三寸卻用柳條將柳樁編高
五寸如編籬法內用土築實平滿又卧栽小柳一層又用柳
條編高五寸於內用土築實平滿如此二次即與先栽一尺
柳樁平矣卻於上退回五寸仍用引橛密栽樁一層亦栽編
柳卧柳各二次亦用土築實平滿如隄一丈高則依此栽十
層即平矣以上三法皆專爲固護隄岸蓋將來內則根株固
結外則枝葉綢繆名爲活龍掃尾雖風浪衝激可保無虞而

梢之利亦不可勝用矣北方雨少草稀歷閱舊隄有築已數年而草猶未茂者切不可輕忽前法運河黃河通用可也四曰深柳前三法祇可護隄以防漲溢之水如倒岸衝隄之水亦難防矣凡近河及河勢將衝之處隄岸雖遠俱宜栽深柳將所造長四尺長八尺長一丈二尺數等鐵裹引檣自短而長以次釘穴俾深然後將勁直帶梢柳枝如根梢俱大者爲上否則不拘大小惟最長直但下如鷄子上僅枝梢長如式者皆可用連皮栽入即用稀泥灌滿穴道毋令動搖上儘枝梢或數枝全留切不可單少其出土長短不拘亦須二三尺以

荊州萬城隄志

卷五

防護 備患

十

上每縱橫五尺即栽一株仍視河勢緩急多栽則十餘層少則四五層數年之後下則根株固結入土愈深上則枝梢長茂將來河水衝禦或因之外編巨柳長樁內實稍草埽土不猶愈於臨水下埽以繩繫岸以樁釘土墮下隨衝勞費無極者乎五曰漫柳凡坡水漫流之處難以築隄惟沿河兩岸密栽低小柳數十層俗名隨河柳不畏淹沒每遇水漲既退則泥沙委積即可高尺餘或數寸許隨淤隨漲每年數次數年之後不假人力自成巨隄矣六曰高柳照常於隄內外用高大柳樁成行栽植不可稀少

按六柳多爲河工說法須斟酌用之隄面切忌栽植也

安陸周太守介夫禁隄坡搭棚種樹稟○隄面不准搭蓋房屋恐滋踐踏近因歷年荒歉被水窮民無從安止多於隄上暫作棲遲始則建棚旋因蓋棚或圍樹藝以作小商各有生涯漸臻康樂既不准其外出亦未便迫以遷移尙多安分之家絕少惰游之習惟享清平之福居不租之地並無力役之徵未免過於安逸應請於防汛時先期示諭飭令隄長隄役屆期督令前來共操畚築幫同搶護倘有不遵即予驅逐又隄坡不准種植竹木以竹林深密之處即爲獾洞之所由藏

荊州萬城隄志

卷五

防護

備患

十一

害隄乘人不覺捕捉甚難民慮於搜捕時必多剪伐往往諱匿不言諫防實屬難免卑府二面督縣示禁外應請憲檄通飭種樹之家無論隄內隄外蓄植總需離隄三四丈其已經蔓衍隄坡者先令其自行砍伐搬運回歸如不遵禁令有意玩延即官爲督伐罰令充公留爲隄防之用

俞明府昌烈捕獾法○獾洞鼠穴最爲長隄之害必須搜捕淨盡方無後患獾有行住之分行獾尙未傷及隄身住獾洞在隄根必不可留獾性畏人驚動穴在隄腳及廢隘挽月近水草墳墓處者居多洞有前門或四五丈或七八丈復有後門大如麪

碗前門堵罕即從後門跳逸堵後門即竄前門所謂狡兔三窟
也其藏身之穴寬大如窰口外有虛土一小堆是其出入之處
蹤跡顯然捕法不一或用煙燻或用網兜或用繩套亦有專營
此業者用獵犬往取令捕得一尾賞錢若干驗其洞穴必劍挖
到底夯杵填實飽錐爲度沙土隄尤宜留意沙土細而實堅穿
洞不致塌下淤土粗而不膠若懸空則易崩塌此物性之靈也
不可不知○

按獾蟻傷隄固爲暗患然沿隄居民喂養猪豚踐害尤甚

凡畜猪之處草根不結泥土掀翻一經積雨便成坑坎石

荊州萬城隄志

卷五

防護

備患

十一

坡最忌放獺郝穴一帶嘗有外來漁船放獺捕魚石鱗玲

瓏動輒崩邵宜飭隄役隨時留意徒示不能禁也

又挖蟻法○蟻洞萬城大隄最多竹樹枯根更易生蟻每逢汎

水泛漲內必浸漏默誌其處候十月間從浸漏處挖開有小洞

用蔑絲通入視其斜正跟挖即得其窩如蜂房土人云蟻不過

五尺必須搜挖淨盡投諸河流或用火焚以石灰拌土築塞方

淨根株緣蟻最畏灰也

按挖築工程原不可省但須從患處下手勿取遠勢好省

往往左估若干右估若干丈摸索不定徒費工價反致

老隄受傷不可不慎或令包挖包築計工酬費最爲妥協
即塞溝之工亦當沿流溯源無亂掘之理也

陳文恭飭種枝楊法○枝楊又名白楊種地卽生柔條長籐
用繩繫結儼如竹籬隨長隨編數年之間儼如牆壁而又稀
疏柔軟可以隨波起立不致激水生怒亦屬以柔治剛之策
按枝楊疑卽自生柳也洲灘往往有之若能成林禦浪較
柵株更妥存之以備護隄之策

方太守勸江隄栽蘆示

時宰廣濟

○照得濟邑江隄上起盤塘山

腳下抵黃梅縣界隄身低薄危險堪虞本縣規畫再三爲目

荊州萬城隄志

卷五

防護

備患

三

前救急之計莫如培厚加高爲將來保固之謀莫如栽植蘆
葦肥地之蘆高至二丈有餘瘠地亦高丈許稠密叢生禦浪
保隄無踰於此愚民無知隄外灘地必種豆麥棉花不肯栽
植蘆葦一逢盛漲風浪崩衝隄身潰決隄外江灘旣無所得
卽隄內之田廬墳墓亦付波臣性命且難苟免種種苦況爾
百姓備嘗之矣乃迷而不悟猶冀來年江水不漲或慶有秋
豈爾等世居江干不知蘆葦可以護隄耶乾隆年間黃前縣
督民栽蘆保固數十年後因細民牟利漸次開墾無復存者
以致浪嚙隄身疊遭潰決此往事之明證也現惟五里棚全

栽蘆葦龍塘中廟兩棚間亦有之本縣前次臨隄查勘有蘆之處堅完如故無蘆之處崩卸居多此現在之明證也然使土性不宜難於栽植猶可說也查栽蘆之地不論肥瘦栽蘆之時不論冬夏根可栽花可栽桿亦可栽易莫易於此矣而且發生最速今年一株明年可發數十株如人不侵害牛不踐食其生自繁蘆有二種一名泡蘆一名結蘆可織蓆可編籬可供炊爨通盤計算較之豆麥棉花爲利更溥何也豆麥棉花毋論種於何地人工牛力糞草籽種闕一不可况江灘本在隄外水到隄根則化爲烏有諺所謂十年九不收也若

荊州萬城隄志

卷五

防護 備患

丙

蘆葦則不然初栽之日畧費工本栽成以後不費半文初年半收次年全收三年倍收既不畏水又不憂旱安坐以享其利是豆麥棉花之利聽之於天不如蘆葦之利操之自我也揣爾等之意不過曰錢糧爲重耳不知江灘本係蘆課即有飛糧亦屬無幾蘆葦之利除完課外總多贏餘安得以錢糧藉口不過曰盜賊堪虞耳不知有蘆不必定藏盜賊盜賊亦不必定在蘆中即或沿江皆蘆難保無盜賊出沒然盜賊害一人耳害一家耳隄勝一決則受害無窮廣濟之生靈受害黃梅宿松望江懷甯之生靈亦無不受害矣兩害相形則取

其輕安得以盜賊藉口本縣下車以來即飭業民栽蘆而遵
示者寥寥用是不憚苦口再行曉諭如仍游移觀望不栽者
罪灘地入官本縣欲救一路之哭不顧一家之哭也

按江灘蘆葦不種自生但禁其畊作不過兩年即成叢矣
勸種蘆葦示○照得萬城大隄以外灘地皆爲官隄隙基
前經本府出示曉諭隄外居民距隄十丈方准耕種以固
隄基在案茲查附隄一帶業戶多係窮民自應量爲變通
以恤民隱現擬隄外十丈以內准該業民等種植蘆葦藉
資夏秋防汛塘護之助俟霜降後由該業民各照各界割

荊州萬城隄志

卷五

防護 備患

五

取變賣庶幾田無曠土官民兩便除札飭委員督率隄差
隄圩押令業民趕辦並經本府當堂面諭隄差傳知該業
民等遵照外誠恐未能週知亟出示曉諭爲此示仰附
近大隄外有業民人等知悉務各遵照現定章程趕緊辦
理明春蘆葦發生之際本府親詣察看如果種植周密得
法定行獎賞如敢不遵及擅自耕種稻麥菜蔬棉麻等項
許該管隄差隄圩保甲扭稟隄工委員就近責懲

請免土生稟○竊查荊州萬城大隄綿長二百餘里編分六十
七丁每工原立隄長一名圩甲五名烟夫二十五名皆係近

隄居民按年輪替充當夏秋盛漲之時隄長圩甲分駐各工檢巡防守冬春歲修之際每烟夫修築土牛五座以備防汛並栽插楊筒柳菽以資護衛此乃多年舊章而查無原定成案初聞隄長圩甲人等種有差田即應承充此差且土牛爲防汛要需自應循舊辦理不得廢弛土今兩屆土牛曾經委員認真催督提前趕辦各該烟夫雖已照章修築而未能一律如式細查由來緣土牛一役該烟夫等初時立有合同或存有私册互相輪當差事今則人心不古奸僞百出或彼此推諉損害不休或巧立名色歛費肥

荊州萬城隄志

卷五

防護

備患

六

私更有不肖隄役從中包抗藉端訛索雖經隨時整頓查辦究難掃除積習誠恐日久弊生徒爲隄役之利藪而於隄工仍無裨益亟宜變通辦理以均民力而挽積弊隨即示諭闔邑紳耆公同籌議不擾民不廢役妥善章程稟辦在案茲據江陵縣武舉王洪昌職員魯宗衡等先後具稟請將土牛棠久歲修項下提費修補庶民不傷而役不廢通詳核示遵循實爲德便各等情卑府伏查烟夫承修土牛既與民間不便且屬有名無實似應俯如該紳耆等所請即自同治十四年爲始土牛楊筒等項差事永遠停止

歸於歲修項下一律派土徵修以順輿情而昭核實查通隄應修土牛八千三百七十五座每座估土四方八寸共計土不過四萬二千方照歲修徵土章程彙歸闔邑糧田攤派眾擎較爲易舉弊端永可杜絕所有應修土牛及應栽楊柳等項即於冬間農隙之時先行籌欸估工飭令在工委員如式修辦由卑府親詣驗收不准草率偷減以期工歸實用費不虛糜至烟夫各色從此裁革其餘隄長圩甲照舊充當巡防差事如遇隄工險要即由隄長圩甲的名造册備案以免推諉而杜訟端是否有當伏乞憲台俯

荊州萬城隄志

卷五

防護 備患

十七

賜查核批示立案示諭勒碑實爲公便

土牛歸入歲修示○照得萬城大隄向設烟夫一役原係近隄居民輪年充當專司修築土牛栽插楊柳以備防汛立法之初未始不善乃日久弊深奸僞百出或彼此推諉扳害不休或巧立各色歛費肥私更有不肖隄役從中包抗藉端訛索雖經本府隨時整頓究未埽除積習徒爲隄役之利藪而於隄工仍無裨益本府體念民隱亟思變通又恐廢役擾民窒礙難行隨於春間示諭紳民妥議章程去後嗣據該縣武舉王洪昌等稟稱湖查修築隄工始自

明季彼時差徭繁重凡當有大隄之差者概免雜徭此近
隄民人充當隄圩土牛差事之所由來也伏維 聖朝

湛恩汪濊除銀米正供外毫無擾累百姓樂業至於隄工
主費乃民間自衛身家輸納在所不惜而土牛差事其分
外事也曩者水勢較小縱使敷衍塞責猶能備用裕如民
力尙不甚累邇年水勢年大一年隄之得以鞏固者皆沐
憲恩修築認真防護有備則是增修土牛實爲防汛之資
第近隄居民能自置當差田者尙可支持無田者枵腹充
役勢必飛牽不已害難勝言至於土牛煙夫既與業民一

荊州萬城隄志

卷五

防護備患

六

律完納土費而又責補土牛彼逸此勞未免偏累况刁玩
隄圩藉此漁利始則勒索楊筒夫費由數百文而至數千
文瓜分肥囊繼則楊筒夫費變作土牛夫差並有土牛夫
差變作楊筒夫差奸詐百出遂愆方休拂則稟抗紛紛互
訟靡有底止甚或勒錢包修偷減丈尺缺少數目隄無益
焉舉職生等揆時度勢擬請憲台將通隄土牛座數算定
土方彙入歲修項下行縣一律派土徵修在萬姓每畝不
過一文而烟夫克免倒懸之苦因民利民公私兩便如是
者役不廢而民不擾合無仰懇通詳立案又職員魯宗衡

等稟稱竊查大隄歲修按糧派土徵收至於隄長圩甲土牛煙夫向只近隄居民充當並無官置當差田產在隄役二項遞降遞分尙有數年一當及數十年而一當者若土牛年年必堆責無旁貸力有不逮百弊叢生故或彼此推諉肆行拔害或巧立名色歛費肥私愈出愈奇愈擾愈廣究於隄工毫無裨益茲職生等公同籌議以爲與其責之近地而民難任不如派之闔縣而民易從與其歸之民修而無實效曷若併請官修而收全功蓋大隄關係闔縣保障防護歲修事同一律土費既按糧攤徵則土牛似宜一

荊州萬城隄志

卷五

防護 備患

九

體辦理職生等擬懇將土牛糞入歲修項下提費修補庶民不傷而役不廢相應稟請通詳核示遵行各等情本府當查煙夫承修土牛旣與民間不便且屬有名無實自應俯如該紳耆所請變通辦理以順輿情復經諮訪輿論眾口僉同隨即核議通詳茲奉藩憲札開奉督部堂李批所議甚是應准如詳立案又奉撫部院吳批查核所議極爲妥協應即如詳立案各等因合就札飭該府即便遵照示諭勒石以垂久遠並奉顯憲批如詳立案除行江陵縣遵照外爲此示仰江陵縣闔屬諸色人等知悉嗣後大隄土

牛楊筒差事即自同治十四年爲始永遠停止棄入歲修
項下派費徵修其各段應辦土牛每年冬間農隙之時由
本府先行籌款估令在工委員如式修辦工竣親詣驗收
所有煙夫名色從此裁革其隄長圩甲照舊充當巡防差
事如遇隄工險要即由隄長圩甲催集近隄居民協力搶
護不得藉口違誤一面清查隄長圩甲的各造冊備案以
免推諉而杜訟端嗣後隄圩人等如敢再藉土牛楊筒差
事向已裁烟夫訛索者許即扭送來府以憑懲辦

委查圩甲清冊並裁楊種葦札○照得萬城大隄官民兩

荊州萬城隄志

卷五

防護 備患

三

工土牛楊筒之役前經通詳裁革其隄長圩甲必須遵照
奏定章程每五百丈一工設立隄長圩甲三四名以資修
防當經札飭官工委員鄧司獄民工委員高從九督率隄
差押令各工本屆隄圩查明遞年承充隄圩姓名開造的
各清冊呈候點驗給牌着充並疊次示諭隄外十丈之內
有田業戶自種蘆葦以禦風浪在案迄今僅據鄧司獄將
官工本屆隄圩姓名造冊稟賞其餘概未遵辦查該員等
各有隄工應辦事件自難兼顧合亟札委該員立即遵照
前赴官民工會同各局委員督率隄差押令本屆隄長圩甲

各將本工本號遞年應當隄圩姓名開造的名清冊呈由該員彙開總冊卽日賞府立等點驗給牌着充如有空段卽編查住堤人戶輪年補充倘有不遵卽行逐去一面督率隄差隄長圩甲地保押令各業戶於隄外十丈之內趕緊種植蘆葦並准於官民支發局領價買備圓三四寸長五六尺支條端直楊筒於不能種蘆之後栽植兩行每株相離五尺兩行中離三尺根須入土二尺參差取勢高與人齊仍責成在隄人役及住隄人戶輪流晝夜照着不准竊取本府爲大隄作一勞永逸之計該員務須認真查辦

荊州萬城隄志

卷五

防護 備患

三

毋得視爲具文有負委任

諭飭水窪種菱示○照得大隄外灘久經示諭栽種楊筒蘆葦以資搪護在案茲查水窪之處栽楊種葦均不相宜惟菱草一物隨水長落滋蔓叢生足以禦浪且根苗可當蔬菜結實名菰米細粒黑色質粘味淡而香拖茅草一帶已有此物較蘆葦尤易發生合亟出示曉諭爲此示仰大隄官民各工隄圩保甲人等知悉嗣後凡於外灘水窪不能栽種楊筒蘆葦務各趕緊種植菱草既可搪護汛漲亦可取供食品該業民保甲人等自當仰體本府保隄衛民

至意慎毋視爲具文

荊州萬城隄志

卷五

五

防護

備患

五

至意慎毋視爲具文

荊州萬城隍志卷五

高賈文尺及一關點察則其存歟

○防護下平水...

守汎

林制軍防汎章程八條

○一設窩鋪或臨水頂衝最爲險要之處必多聚人夫多積料

物然非築立房屋則人夫無所棲止料物無所堆貯豈能露處

巡防該州縣應擇適中最要處所報明建蓋窩鋪計所轄各段

止隄共需窩鋪幾座每座所僱人夫約以三名爲度合兩三鋪

每派家丁一人往來稽查仍按段豎立寬濶牌籤一枝大書丁

荊州萬城隍志

卷五

防護

守汎

三

役人夫姓名以憑點驗

○一製擡棚窩鋪不能多設既設即難遷移自應添製擡棚乃

可隨時搬動其棚以木爲之土蓋蔑席中有板鋪可睡二人兩

頭俱有木楨伸出可以擡走該縣境內須設幾架應令斟酌稟

辦

林按余於癸酉春製造擡棚二百數十架以意爲之幸與前

人所見相合

○一積土牛汎漲猝至臨時無土每致束手該縣某處工所現

有土牛幾垛應量明高寬丈尺逐一開摺稟明其有殘缺者即

須添補若無則須挑土積起即以所僱人役爲之每一土牛高約四尺長二丈頂寬二尺底寬一丈每日一夫應挑土幾擔一夫可積一土牛按夫按日核定挑積報候點驗其無土之處挑堆瓦礫亦屬可用總須按垛造報以憑點驗

按近年荆隄土牛每座估長十丈脚寬六尺高三尺面寬四尺五寸相間半弓但須每歲認真循環鑲築可當加高豈僅於防汛有益哉

一備物料○石塊方圓大小不拘多磚塊○木椿○板片○

木樑○草束○柴把○葦把○樹枝○繩纜○草簾○油篾○

荆州萬城隄志

卷五 防護 守汛

三

麻袋每內袋內貯沙破爛棉絮破鍋破鋼以扣硬煤○蘆

席○火把○油燭

一儲器具○石碾○木夯○鐵鋤○鐵掀○糞箕○木桶成

扁擔○路燈○燈架○手燈○雨傘○笠笠○蓑衣○草鞋

銅鑼○木梆○以上料物器具兩條均須遵照所開之件逐

件必預備其整壯者核報實數即零星細碎者亦必須報明約

數以憑查考

一境內工段最要幾處次要幾處某處派丁役幾名通隄統共若干歸於汛員何員管束先即核定人數造冊詳明候驗

○一防汛之人每名每日飯食連油燭總須一百文挑土者視其難易遠近酌予加增不得少發

按荆隄防汛除油燭器具由官發給外隄老圩甲並無飯食近議每名免土價十方自光緒二年始錄存此條俟臨期酌辦若汛險工實不能惜此小費也

○一此段有險上下段夫役均須趕往幫搶并攜帶料物協濟如明知應往幫搶而坐視不理者查明枷責行方伯防汛章程十一條

○一大汛長隄自應設立堡房器具招募兵夫以資防守查楚

荆州萬城隄志

卷五

防護 守汛

三

省隄工惟荆州萬城隄官工向有卡房五十二座例係汛兵與圩甲等分半住守近已率多坍塌視爲具文綠汛兵不給油燭圩甲並無飯食焉能令其枵腹從事其餘江漢各隄則併堡房兵夫無之此時興辦隄工限期既迫經費尤艱矚大汛將臨各工尙未一律完竣其建置堡房一節斷難趕辦然有隄而無人防守與無隄等有人而無錢養贍與無人等必得預籌經費明定章程以爲思慮預防之計除萬城大隄舊有卡房宜速修整並議給汛兵油燭酌發圩甲飯食按堡製備器具責成該管守備及汛員督飭駐守此外各隄雖例無防兵宜令圩甲雇募

長夫按十里搭蓋蘆蓬一所派夫三名駐宿日聞填補雨流溝
槽夜間分班往來巡查每夫一名日給飯食錢八十文每逢日
給油燭錢三十文均由該縣籌給以五月初六日上隄起至寒
露日下隄止按蓬挨次編號飭汛官造具各蓬夫的實花名清
冊四分分送道府縣及留該汛備查嗣後臨隄查點如缺少一
名即提該圩甲責處並照扣飯食錢文俟本年安瀾後仍須籌
款建置堡房以資永久

○二各堡房蘆蓬應備器具開後

南

○揮牌一百

上寫離江若干丈或若干里

隄長寬各若干及

北

高各若干○雨笠各夫一個○燈籠按堡

荊州萬城隄志

卷五

防護

守汛

五

二個須驗有燭簽○火把十根○銅鑼一面○鐵鍬二張○筐
杠三副○榔頭三個○夯兩架○鐵簽兩根○鐵鍋三口○舊
棉絮兩件○布袋四條○循環簽二根

○一大汛盛漲該汛員爲防守專司應駐宿隄上於該汛內往
來晝夜梭巡不得安坐衙署並遴委委員往來於兩垸地方會
同汛員稽查至迎溜頂衝險要處所須另委勤幹一員住劄督
防該管州縣仍不時親往各汛查察如遇危險即督率汛員多
僱人夫搶築子埧巡道本府並先後輪流往勘查出汛委各員
稍存懈怠立予揭叅倘堡夫名數短缺堡房器具不齊亦惟汛

員是問

○一隄頭隄坡除巴根草外凡有長草必須割去以清眉目隄

頂草須令割裏坡草應割至腰路爲止總須留根二三寸以護

隄身不得連根鏟拔至外隄之草不可割去應留以禦風浪

按每遇盛漲沿隄漂有柴草謂之浪渣頗足禦浪應禁居

民不得撈取

○一漫灘水到隄根必須日夜巡查大隄裏坡有無滲漏如裏

坡一見潮潤即須時刻留心倘有浸滲該堡夫一面稟知防汛

官一面鳴鑼照堵漏子章程如法辦理日間由隄頂行走一目

荆州萬城隄志

卷五

防護 守汛

共

了然夜巡更爲吃緊必須發給燈燭由底路去腰路回細心查

○一外灘如有普面江套一經漫灘水面愈濶每遇風暴必致

傷及隄身最爲危險如有碎石之處亟宜拋砌碎石得以一勞

永逸抑或放大坦坡包淤亦可倘二者俱不可得當於該處堆

積柴料並預備長大簽樁數十根榔頭足用如水至隄根猝遇

風暴趕緊搶護每一尺五寸釘橛一根用柴掩護亦可捍禦

○一大隄有滲水之處無論何項人等有先舉報因得搶護平

穩者賞錢十緡於伏汛前出示曉諭凡大隄外連年水至隄根

者倘無大患惟或因灘高或因外有民埵多年未經水之隄轉
爲可慮緣灘唇塌卸一經盛漲則江水出槽民埵失事則溜勢
奔騰直注隄身一有滲漏猝不及防往往因爲漫溢如此等工
程總須於平時留心幫築土垠防患於未然也

○一江勢裏臥塌灘須將塌崖之處用欽放坦並多掛柳枝蘆
把以免續塌

○一江水漫灘各堡門前設立小誌椿一根計若干丈尺其誌
椿頂以矮隄頂五尺爲度連空高若干丈尺飭堡夫隨時查看
長落遞傳下段報汎該汎員按三日一次彙報道府縣查考如
荆州萬城隄志

卷五

防護

守汎

三

遇陡長陡落之時堡夫刻速飛報由汎員隨卽轉報道府縣不
在三日彙報之例勿得稍延

○一各堡夫每見官長巡查應各充數迨官過後卽便回家並
住他處游蕩惟在該縣督率汎員到處留心查看如查該夫內
有日間割草及拋土填補水溝夜間在隄巡邏者卽分別給賞
否則薄責示懲

○一大隄走漏爲至險至急之事必須察其形勢搶救先知隄
身是淤是沙離江遠近有無順隄江套測量隄根水深若干見
有漩窩卽是近水之門速令人下水踰摸一經踰著問明窟穴

大小如係圓方洞則用鍋扣住令其用腳踏定四面澆土即可斷流如係斜長之形一鍋不能扣住者應用棉襖等物細細填塞或用口袋裝土一半兩人抬下隨其形象塞之仍用散土四面澆築亦可填住此外堵法也或臨河一面不能近水形象無從下手只得於裏坡搶築月埝或以底寬一丈爲度兩頭近土中留一溝出水俟月埝周身高出外灘水面二尺然後趕緊搶堵如水流太急緊紮一小柴枕攔之裏面再行澆土更爲穩當仍須外面幫寬夯穢堅實俟裏外水勢相平則不進水矣此內堵法也如隄頂寬闊或於走漏處隄內挖一溝務須大坦坡見

荊州萬城隄志

卷五

防護 守汛

三

水而止卽用棉襖等物於近水處塞之亦可斷流此又一法也倘大隄土性浮鬆堵法搶辦不及竟至塌透者不可驚慌因彼時口門不過數丈當於見漏時先紮一柴枕較外灘水深高一三尺如水深三尺枕高五尺倘竟塌透卽將此枕攔於口外用橛釘住使水流稍緩一面多雇斂手挑立兩隄頭將土粉下一面合兵夫數人立於缺口內連臂閉眼齊力跳躍以免壞目傾跌所粉之王須從人頭上撥下漸跳漸稠亦可閉氣然亦僥倖於萬一耳

胡明經祖嗣搶險法○防範務要相勢立法其有外腳崩裂脚

外水淺須外下槍障填以茅包內邊撐幫隄脚外水深槍障
難下外塘浪把內亦撐幫隄脚又有內脚崩裂隄有外灘則外
下槍障填以茅包運土築平隄面內邊下船撐住頭尾中艙用
椿下定運土填實尤須船長方能得力隄無外灘內仍下船如
法撐住較有外灘之處格外撐幫寬厚總宜速辦均勿延誤更
有汛發過猛較上年水痕高過三尺隄有土牛卽將牛身鏟平
一半接連成垠隄無土牛速加子垠均須礮杵堅實方資抵禦
隄有坑眼浸漏隄外見水流窩便是進水之路卽令水手探去
或用鐵鍋扣住洞眼或以茅包棉絮等項填塞或用布袋裝豆

荊州萬城隄志

卷五

防護

守汛

完

塞之再加撐幫方免貽誤外邊不見水路務在隄中開巷夯礮
開巷以見水路爲止隄若寬厚卽挖深七八尺亦無妨礙祇要
層土層礮築堅平巷浸漏自止若不趁早開巷隄漸浸融事已
危極惟有多備長大船隻滿下裏脚用椿夯定運土填實傍脚
加幫寬厚亦能搶護又有汛隄歲幫浮土老隄稍存草皮猶在
尙不浸漏老隄崩盡浮土隨卽崩裂當此之時內外有灘或用
槍障船隻茅包棉絮等項尙可搶護若地勢陡險措手無策鮮
不潰決有隄防者防於已然不若防於未然之爲愈也

按漢書溝洫志建始四年河決王延世塞以竹絡長四丈

大九圍盛以小石兩船夾載而下之李冰作犍尾堰亦用此法江太守開云伊客湖北周制軍幕府適大小隄決獻此策筴絡盛石復加以土更爲堅密

靳文襄論沉船搶險疏○昔賈魯治河用沉舟之法以爲塞決簡便之用無如此者臣竊嘗疑之夫河底淺深坦陷不一惟草柳性柔一經壓擠則周遭充滿故塞決必用埽今以至平之舟底而沉之深淺坦陷不一之湍流則埽根透溜之患必有不俟終日而沉者若沉舟之後仍用埽工繼之則所費不貲何如專用埽之便而省然以魯之才其成功如是必非

荊州萬城隄志

卷五

防護 守汛

三

孟浪姑試之人因於至正河防記沉思尋繹者累日恍然知魯之沉舟蓋以代壩而逼水非以塞決而合龍也蓋彼時故河業已通流但決河勢大水流多於故河十之八又適當秋漲洄流湍急埽不能下又其上逼水三隄短弱而勢不支恐少行一遲水盡湧決決則故河復淤前功盡墮因急沉舟爲壩以逼之所謂搶救也故前曰魯乃精思障水入故河之方後則曰船隄之後草埽三道並舉此並舉之三道乃加築前短弱之三隄也迨至船埽四隄並就河勢南流然後塞決耳不然魯於九月七日沉舟而龍口之合何以直至十一月十

一日耶

魯觀察之裕四防說○一曰晝防五六七八此四月間雨多水漲之候也常以人巡隄上搜糴洞實鱗孔灌柳枝堆土牛而於險要之處尤宜積樁草棘麻柳梢等物以備之一曰夜防防於夜則燈竿不可不設也設燈竿則必定汎地隄長一里宜三鋪鋪各三夫而里以數計鋪以號編夫各分其汎地而又鋪十有長里十有官當夫汎至隄危則鋪長鳴鑼左右鋪夫奔而至至卽運土牛下樁埽以搶禦之倘一長之力夫不勝則鋪長疊振其金而官督其十里以齊來料備夫齊未

荊州萬城隄志

卷五

防護

守汎

三

有不可保之隄矣一曰雨防防雨與夜等惟三鋪之間須更設一窩鋪使雨有備而勞亦可以暫息也然非聽其熟睡也宜標禁於窩鋪之前違者嚴懲之如軍法一曰風防四防之中風爲劇蓋波濤之洶湧風致之無風則漲易禦耳法宜於平時預束秸橐蘆柴柳枝蒿藜等物爲把堆於隄上及其水發風狂則自下風之岸將所束之把浮繫於樹以柔浪而殺其勢及浪平風定水退隄安仍將把束收曬而高儲之以爲捲埽之需夫四防之候不過五六七八月而此數月之水其發不過數尺每次不過數日初發之水不盛再次則猛矣至

八月以後雖發而勢亦衰惟極盛之時法在謹守要害而不要害處委之非然卽不能因此要害也

按謝朝徵曰防汛至九月尙不可疏忽同治十三年九月神漢水再發鍾祥潰大隄數百丈襄陽老龍隄亦潰似必秋盡方能慶無事也

丁鄂亭愷曾隄漏篇○水潦暴漲驚濤如濤隙者綻罅者漏可臆也水勢未平綻漏何尋強築強補者祖必渥必探水情必度地勢視隄腳之地內抵外一二尺而隄外水二三尺者水勢猶小如附以土人少艱成人衆損隄智者忌之攔以月

荊州萬城隄志

卷五

防護

守汛

三

隄閉其氣也稍接大隄以爲密也長或二十丈或三十丈其基尋巔半尺以爲固也水勿使伸脊勿聽昂首月隄水滿內外相抵則氣不洩氣不洩則水平然後徐日月隄兩端實土爲俄則大隄雖隙而鞏此內杜也內較外低過尋隄外水沒過五六尺者其力猛其勢大毋急而邀之毋剛而制之飛運軟草利在柔外擇坦埤利在遠草鋪坦埤至數十丈草土相間齊水後以土遇草而留水遇土而止剛以柔濟毋以子死夫然後漏可斷也夫役往來踐草行隄勿傷坦埤斯浮埤可保而不慮衝蕩此外杜也

防汛近章○大隄舊章自乾隆五十三年後每歲夏伏秋
三汛應輪制府申丞分年駐防省垣有事則奏委道府代
防自四月初一日起至霜降止將荆江水勢長落尺寸按
五日填單通報安瀾時通稟兩院兩司兩院會奏三汛安
瀾隄穩固恭錄事硃批轉行又水師營每年四月起
至八月止派撥兵丁五十五名駐紮上道遙湖至橫隄一
帶協防每名月給燈火飯食銀五錢在於蕭姓生息內請
領嗣因食物昂貴議加一倍歲需銀五百六十餘兩遇閏
共領三百二十餘兩咸豐八年息款無存馮芳伯議從土

荊州萬城隄志

卷五

防護 守汛

三

費內暫撥時祿太守卷查府署向有津貼該營防護兵丁
銀二百兩於夏秋二季作錢三百串在土費內酌撥詳明
將燈火飯食仿照津貼舊章以銀作錢撥給十三年復經
稟報院司將該營原定燈火飯食暫在土費內照數撥給
加增一項卽行停止津貼一欸減半支給均以銀作錢移
送在案查大隄官民六十七工除得勝台下算篷工短外
其餘每工設隄長一人埧甲五人烟夫二十五人每烟夫
一人堆修土牛五座並於隄外栽插楊柳以護風浪每二
工或三工設隄差一人共派隄差二十四人每一三十里

設修防局一所共九局每局委員幕友一二位官民兩工
分委佐雜各一員汎漲時添派委員幫同防護向於四月
間由署中標發循環板籤八枝註明某時至某工交萬城
江神廟登南隄郝穴拖茅埠五局挨局填寫水勢長落尺
寸飭令各工隄圩挨工傳遞輪流梭巡早發晚收循去環
來聯絡一氣晴雨無間夜則發給燈籠牛燭火把飭令該
隄圩在於隄之內外上下查看有無崩埝浸漏隨時稟報
有險則由局員幕友親往斟酌辦理至烟夫一役現已通
詳裁革其各段土牛彙入歲修項下派費徵收每年勘估

荊州萬城隄志

卷五

防護 守汎

語

籌款交委員辦理工竣道府親詣驗收其隄圩照舊充當
巡防差事遇有隄工險要則催集近隄居民幫同搶護不
得藉口違誤出示刊碑永遠遵行官民兩工共計隄圩三
百八十七名兩名一棚需防汎棚一百九十三座此近來
防汎之情形也

論紳耆防汎帖○照得萬城大隄官民兩工爲荊郡保障
業經按工延友委員駐隄修防但隄身綿亘時當夏汎防
護吃緊之際誠恐江水盛漲各工同時出有險要之工委
員幕友顧此失彼自應添派紳耆幫同防護以期穩固合

行諭飭諭到該紳立卽遵照在於附近隄身帶川巡視遇
有險要之工務各率同附隄居民幫同委員每友實力搶
護慎毋推諉稍存大意致滋貽誤亦不得過涉張皇是爲
至要該紳耆素孚人望且係自衛身家諒必協力經理也
倘有刁劣生監及不法鄉民藉搶險爲由滋生事端准其
據實指稟以憑嚴鞫究辦

荆州萬城隄志

卷五

防護

守汛

一五

對實能真以激氣擊突機

論曰下卷生澁不悉眼見蘇飭劍益由總主事繼那其

至要浩條齊率人整且給白濟良家精必辭代職既而

歸計世耕籍符林大意選蘇領地水不掛懸也紳皇其蘇

亦劍要公王蘇各率同附隄民其附同委員每友實力搶

行諭飭諭到該紳立卽遵照在於附近隄身帶川巡視遇

荊州萬城隍志卷六

經費

興工莫先於籌費昔兩河歲修糜帑數百萬以天下之財
供一隅之用自不虛其支絀荆隄之費取於江陵一邑乾
隆戊申之役發內帑二百萬官為修築不勞民力嗣後歲
修銀兩先令司庫借支再行按畝徵還後以籍沒蕭氏資
產專備工振之用所以為民計者至矣軍興以來蕭氏一
目款支銷罄盡司庫亦不能借給惟責成郡守籌墊攤徵不
齊即為官累加以意外出險捐資防護皆郡守之責桑土

荊州萬城隍志

卷六

經費

一

綱繆可不急哉

目錄

攤徵計工誌之凡此以爲凡信查生矣軍興以來釐凡一
支銷兩式令何重計支再行對施燈數對以釐對釐乃從
帑項中文對燈內帑二百萬官為對釐不幾月內編對釐
稽款則文取自不虛其支縣隄對文費運綠玉刻一呂薄
捐項其文為善實官兩河類對類帑進百萬以天下之財

經費

荊州萬城隍志卷六

荆州萬城隍志卷六

經費上

攤徵

部議二條

○查本年應修隄塹業經欽奉

恩旨動用帑項官為修築

毋庸於業戶名下攤徵歸欵外所有嗣後歲修萬城大隄需用

銀兩應先於司庫借支給發俟下年於業戶名下按畝攤徵歸

欵其動用何欵之處應令該督預為籌酌先行報部仍將按畝

攤徵歸欵細數造冊送部查核

乾隆五十四年

荆州萬城隍志

卷六

經費

攤徵

一

按例載歲修之工不准將夫工包折銀錢荆隄乃奏明按

畝攤徵者蓋司庫借支之說久已不行設可借用而領解

有費報銷有費申平補色私貸公收半為吏胥中飽有工

程之責者非萬不得已與其借帑不若募貲也

○查萬城隄工向係民力自行修理經五百兩以上准其借項

官為代辦所有此項錢糧仍應攤徵歸欵如不經紳耆專司出

入誠恐地方官吏有加倍灑派之弊應如所奏嗣後歲修隄工

一應銀錢冊檔令公舉誠實諳練紳耆三四人專司其事如有

書役撓越侵漁等弊許紳耆等據實具稟嚴行究辦

乾隆五十四年

按徵收土費之弊紳者甚於書吏書吏甚於地方官公正紳者孰肯與官共事同里之人非親卽友彼此援引倚勢招搖官不能禁書吏之弊地方告發官不袒庇一經覺察尙可以法繩之荆隄徵費屢次易章仍歸官辦弊端較少若外屬承用舊法工程虛應故事而浮冒侵欺之弊所在皆然有治人無治法誠哉是言也

崔太守催修經費議○伏查荆屬隄埝歲需修補估計土方動輒數萬核計工程均在五百兩以上若紛紛奏請徒增案牘之煩且與欽奉 諭旨沿江隄工不准濫借公項之例不符卑

荆州萬城隄志

卷六

經費 攤徵

二

府悉心籌議萬城大隄自得勝臺起至橫塘隄樓止原係動項興修之工定限保固十年如限內坍塌仍著原修之官賠補外其橫隄以下至拖茆埠一帶歲修應請仍歸民辦官爲經理其興工之時該同知會同江陵縣勘估造冊詳送道府覆勘轉請興修工竣造冊報銷所需夫工細冊飭令江陵縣責令冊書按糧查造僉點糧多大戶承充夫頭沿鄉催令業戶赴工修築仍聽民間公舉誠實諳練紳者司理出入一應夫工礮價均由董事經理書役隄圩人等均不許絲毫經手以杜包攬侵蝕之弊

乾隆五十七年

按此官督民修按畝攤徵之案民工不借帑不奏銷不保固自道光十二年奏歸知府承修之後官民兩工事同一律土費分設城鄉局亦如錢糧徵收矣

高郡丞減收土錢議○竊照本屆歲修隄工業經奉檄勘估各工土方丈尺數目具摺通詳並移縣起派夫土僉派戶首申送在案所有修隄戶首仍遵憲臺諭飭在於沙市郝穴兩處僉派紳士設局收繳每方議繳錢百六十文以紓民力

嘉慶六年

按例價每土一方價銀一錢二分向章歸同知徵收此改銀納錢定價之始

荆州萬城隄志

卷六

經費

攤徵

三

明太守飭縣起派夫土札○照得荆江北岸萬城大隄官民各工本屆應行歲修業經前府委員帶同弓正就近傳集附隄紳耆及隄圩人等按險履勘撙節丈量估計造具工段細冊詳明各憲核辦在案茲本府蒞任接准移交除履勘示募人夫擇期祀土並籌款墊辦外惟查此項土費向係飭縣在於北岸合縣糧田起派夫土僉點糧多殷戶充當董事領催繳局批解濟工毋許管糧經書包攬滋弊經王前府以四月三十日收繳不齊卽著該縣先行全數墊解詳奉批飭照辦嗣因程前府改易成法飭據該縣議詳專責經書收繳差催完納劉前府試辦二屆

仍無起色隨據該縣以縣屬田地分上中下三則其上則西北
捕衙汎地勢較高中則沙市汎湖南錯雜下則郝穴龍灣一汎
盡多積澇之區年額錢糧遇有水患尚多請緩大隄土費勢難
如數徵齊等情詳經前府批查沙市郝穴龍灣等汎既多積澇
未便與高腴並派應如何分別等差酌量派土造具皖名糧額
並查明成法悉心妥議詳覆迄今未據詳到本屆大隄歲修業
已擇期興工需費濟用合行專札飛飭該縣刻將所估大隄土
方查照前詳在於北岸合縣田糧內究應如何分別等差上緊
起派作速籌辦仍將起派里圖糧額科則及籌議酌派情形先

荊州萬城隄志

卷六

經費

攤徵

四

行開摺稟覆一面將催徵土費章程查明從前僉董成法應如
何變通總期全歸有著妥議詳覆並飭令民賦等房書將承管
百二五里各經書糧額分晰造具細冊註明的名住址捧費投
府以憑磨對核辦勿任弊混延誤致干未便

道光二十六年

按隄工改歸知府以後土費由縣僉董徵收存此備攷

俞明府昌烈僉充滾首稟○案奉憲札查徵收大隄土方屢次
更易章程其原立之法未爲不善總因日久弊生以致辦理掣
肘據詳每年黏紅舉充滾首仍責成快皂總差督令原保頭役
分催經書董率滾首挨戶催繳尙屬周妥惟土費之能否收緝

全完權在經書而弊亦在經書現在舉充滾首似乎止可助經書之催收不逮未便使其代經書之催收重任如因舉有滾首其經書卽專辦錢漕設甫改新章土費不能源源完繳有誤大隄其誰任咎且所議係據戶糧民賦等書之稟並未察訪輿情通盤籌畫確有把握可操必勝之權茲隄已興工待費孔殷誠恐輾轉核議曠延時日仰卽仍照舊章先行飭令經書承辦並須按春七秋三催納濟工欠完卽行重比至應否添派滾首幫同經書催收之處如何定滾首之功過再行悉心從長計議事後詳辦以期有益無損是爲至要等因遵查大隄派土僉充董

荊州黃城隄志

卷六

經費

攤徵

五

事收費歷令數百十年計時不爲不久不過所收土費未能齊全前憲程以經書舞弊實富僉貧因而設櫃徵收免僉董事催納詎自此短絀更甚賠累滋深前憲劉洞悉其情飭縣查復舊章改由經書辦理該經書等始圖私收獲利欣然樂從繼畏挪墊受累逐漸逃避書逃_有差墊差窮則計亦窮此近年徵收土費愈趨愈下不能踴躍之實在情形也前蒙憲臺飭令卑職籌畫變通妥議稟辦因思_漕憲頒有錢漕滾催章程可以仿照辦理是以議僉滾首詳奉批示前因覆查經書尙有補滾首之不足滾首萬難助經書之不逮蓋僉充滾首僅令幫辦是以滾

首無專任之責轉使經書有閃門之隙彼推此諉有損無益然興利必先除弊向僉董事黏紅舉報卽弊端所由起前詳所議尙未周妥令請於未僉滾首之先嚴禁貼紅任官親點卽於點充時查其真姓的名填註冊內無論糧柱有十數名目及數十名目概定以八年之內不復重僉既僉以後不准捏情更換計每滾首不過三百方之土合錢數亦僅四十八串之多似此不甚苦累匪特滾首不視爲畏途而賣富僉貧詭立戶名諸弊亦無從而生矣卽或有一二刁玩延不具認並抗領土單之人一面飭差查拏究懲一面著落經書先行承辦又或有實在困苦

荊州府城隍志

卷六

經費 攤徵

六

逃亡者卽責成經書收繳故謂經書尙可補滾首之不足也至總差保頭均仍循舊總期比追有人土費有著斷不容經書藉此置身事外耳

按此不僉紳董改用滾首之案仍無成效

陳太守改由府徵土費示○照得萬城大隄爲闔郡及下游各州縣保障脩防最關緊要所派土費業民自應趕完早獲收工以禦汎漲檢查歷屆卷宗該業民任聽差催延不交納從無全完之事訪查其故或係匪人包攬肥私或係書役串通侵蝕種種弊端殊堪髮指本府以歲脩民瘼攸關實屬爲政首務亟應

認真辦理隨卽週歷履勘土石各工撙節估計先行籌墊興工
合行示諭江陵縣有糧土庶人等知悉本屆歲修仍係查照舊
章按糧石均派田畝不分科則每土一方折錢一百六十文並
無私毫浮取現於南門外得子廟本府頭門內及郝穴街市各
設土局徵收限至三月起至四月底止爾等當思隄塍保衛身
家務當激發天良各將名下應完土錢迅速赴局交納以濟要
工券票當卽截給其券縣印加蓋府印接縫後黏完單一紙註
明里甲姓名某年土數若干完訖字樣該業戶將此紙裁貼門
首以便一望而知上年陳土一併完繳另有印收自示之後倘
致仍前延玩混給匪人包侵限外門首查無完單卽係抗戶立
卽拘案加倍押追以示懲儆三四兩月限內並不飭令經書差
役催收各宜懍遵毋違

荊州萬城隄志

卷六

經費

攤徵

七

劉明府徵土積弊稟○竊以興利莫先於保民生除害莫急於
去衙蠹荊州萬城大隄按糧派土每歲由江陵縣造冊簽差賣
府催收經書與戶糧冊局工等各書勾串匿藏真冊而捏名偽
造假冊呈送不時府中無憑查考卽縣官徵收錢漕亦毫無把
握查民間不納者不過一之二書差私收者竟至十之七以百
姓之脂膏飽胥吏之奸橐官受其名吏享其實殊堪痛恨卑職

去歲奉委催徵土費親歷各鄉密訪確得其情追出真實底裡核與縣中紅簿迥不相侔回明憲臺另募清書造立新冊皆係有田有糧有人之戶並無沙壓水漬逃亡之區土費有憑可收江陵北岸錢漕亦可瞭然謹指陳積弊數條於左

○一去年憲臺因公赴石首郝穴札委卑職專司催徵土費五閏五六等月僅徵獲錢四千餘串七八九等月週歷各鄉查得實欠並不在民回明憲臺當經卑職分限比追當堂指穿積弊書差畏刑十冬臘等月竟繳土錢二萬餘串皆該蠹等既吞復吐之項年底結算共徵獲土錢三萬二千餘串出入俱由憲臺

荊州萬城隍志

卷六

經費

攤徵

八

帳房經理已列榜出示曉諭

○一百姓不畏官而畏經書催差據云官常更換書差子孫世守縱無紅券亦可放心等語夫百姓卽刁頑斷無敢於違抗者如其公然不納書差烏能甘心而不拘拿送官押追惟書差予以墨券爲憑百姓因而小占便宜是以憲臺到任六年催徵只獲土錢一萬二千串七年正月至四月底僅徵獲二千餘串皆歷任因循所致非憲臺徹底根究痛除積弊鮮不爲書差所欺而謂民之無良者其實百姓可憐已極如民出一錢官收一錢將來土費並可不必多派而收不齊適爲書差趕網耳

○一推收過割宜急也查近來大小糧戶有一兩正銀完納時分作數戶有十兩正銀必分作數十戶糧戶在此甲錢糧必分撥別甲地方官去來無常何從得知經書現奉斥革萬民感戴然非經書不能知其根源而經書卽櫃書之門人官所不知而經書知之經書不言而櫃書能使之言若勒令櫃書傳集一呼卽至簽差押令挨戶指實的名住址開造清冊將一分作十戶數十戶統歸於一不准捏名影射遇有買賣田產者隨時推收過割自無朦蔽似不患錢漕無起色矣

○一錢漕土費除宜都枝江以外五屬積弊皆然自乾隆五十

荊州萬城隍志

卷六

經費

攤徵

九

三年及道光二十二四等年幾次萬城隍潰鄒城被淹書差詐稱魚鱗塊冊遺失藉以水衝沙壓舞弊查近來人煙稠密水衝者久已淤高沙壓者翻爲膏腴百姓完糧反受違抗之名遇有災緩豁免書差安受其福官卽嚴明簽拿糧戶書差不能指明一戶鎖拿一人是其明證否則彼亦何樂而爲百姓隱飾代受刑責應請飭地方官剔釐清楚第恐慈祥太過書差不吐真言若民間正供之外原無絲毫多取也

按經書之弊果如劉令所稟認真究詰未嘗不可杜也

祿太守飭催八旗土費札○案照上年飭據該縣造費八旗圖

主册到府當經本府勒限諭飭該縣册局房書督率各里册書趕緊赴局掃數裁券催繳濟工繼復迭次發札勒限交提並差拘該玩書鄧良臣等赴府訊究各在案乃延令載餘仍復抗違更無旗兵赴櫃完納且本屆土册亦未造實屬贍大惡極令行頒發鎖封拘提札到該縣立即遵照迅將該卯首鄧良臣郭祖廣李壽山等限文到日內逐一喚齊到案交給前差按名鎖解來府本府立等當堂查訊該書等因何延不赴局裁揭土券有無吞公惡習故端嚴究懲辦仍押令刻將各旗兵名下應完上年土方掃數赴局完揭清楚其本屆應造土册亦即趕緊押

荆州萬城隍志

卷六

經費

攤徵

十

令造實核辦該縣毋再稍涉袒延大千未便

咸豐

按入旗田產不還土費竟成定例非嚴辦册書不知其底

細也

唐太守定立徵土三限告示○照得萬城大隍每屆歲修工程應徵土費向係飭令江陵縣在於北岸受益業戶名下按畝攤徵繳濟工用前府任內查有該縣戶糧經書催差包庇在鄉勒收滋擾是以四鄉設局示諭以每土一方照向例折徵錢一百六十文彙濟工用由花戶就近自行赴局輸納截券為據原冀便民免受書差擾害之意本府莅任仿照辦理隨時酌減量增

兼示懲勸其中自有權衡豈容刁抗所有本屆應辦歲修工程現經勘明估計開册通詳已由府籌墊於上年十月興工分派委幕駐工督修爾花戶等均皆見聞其應徵土費行縣攤派立定徵費章程於二月一日仍在城鄉設局定以期限分別等次徵濟要需合行曉諭該縣有糧士庶及保甲人等知悉爾等當知修隄爲保衛田廬互相勸勉遵照後開議定期限除八年蒂欠暫行寬免外務將各名下新舊土費爭先赴局輸納裁券爲據提前者少徵所以示勸落後者多派所以示懲倘敢始終抗拒定卽查拿懲究該保甲等如能破除情面催繳無欠者重加

荊州萬城隄志

卷六

經費 攤徵

十一

優賞徇隱庇抗查出併挈重究不貸

○一初限二月初一至三月底止每土一方折繳錢一百二十文
○一二限四月初一至六月底止每土一方折繳錢一百四十文
○一七八九三月每土一方折繳錢一百六十文

○一逾限未完挈案究責仍加倍徵罰如保甲於限外墊繳執券催收者該花戶照定價完納再加保差辛勞脚力錢二十文
花戶不遵算給許卽稟追并示

咸豐十年

胡中丞土費不准優免示○照得先聖先賢後裔除正供不准優免外其餘一切雜派保甲圩長土長垵總圩正收頭船鋪行

戶脚夫馬頭及派買倉穀事涉差徭等項例准優免以別齊民
歷經辦理在案茲據藩司詳據荊州唐守稟稱江陵等縣多有
聖賢後裔散居境內經前江陵張令發給勒石告示並未分晰
叙明統准優免差徭以致生員顏長青等應完大隄土費藉詞
邀免復敢邀集族人顏崇謨等紛紛呈辦逞刁違抗稟請給示
俾資遵守而杜隱射等情爲此示仰該生顏長青等知悉嗣後
凡遇前項雜派差徭概准請免其修理隄塍按畝派出土費夫
費乃屬自衛田廬以保正供其捐寫樂輸關稅釐金尤爲目前
濟餉急務均地方紳民分應急公之事並非雜派差徭可比仍

荊州萬城隄志

卷六

經費

攤徵

三

應照舊派捐不准請免毋稍違抗各宜凜遵

咸豐十一年

按同治十三年有孔姓曾姓援案請免土費據此批斥照

章徵收

工吏說帖○大隄土費章程歷有變更案牘紛繁且多散

佚無從稽核要其法總不外乎今之所辦者近是每年於

勘估後將土石工程合算大數札行江陵縣於荆江北岸

利賴隄護業民按糧灑派造冊管府本府開篆後分設城

鄉六局或幕友或委員坐局督率書差開局攤徵每土一

方折錢一百六十文咸豐九年唐前憲因累年土費遲延

難紓急用分作三限俾民自速輸將定以開局日起迄三月每方收錢一百二十文四月朔逮六月每方收錢一百四十文七月朔至九月每方收錢一百六十文如逾三限卽飭保正赴局裁訖每土一方許保正外取花戶腳力錢二十文所用土券係空白印券待花戶赴局完納查冊收錢寫券委員幕友鈐用府中戳記給發花戶後因局中書差滋弊同治五年改用板券復加花戶拖抗陳土仿照新土亦分三限加價歷辦以來似較從前大有起色同治十一年改用委員本年復議定章程裁撤清書由委員雇募

荊州萬城隍志

卷六

經費

攤徵

三

或總書保充謂之局書並加書差飯食較往年辦法更爲妥善第每年徵費總須三月半方能踴躍而修隄則必農隙舉事實屬緩不濟急諸多掣肘十一年二月內通稟各憲請將達前憲及前署監利縣陳令動用蕭姓衣飾田房變價本銀撥還府中生息留備歲修隄工要需經兩司會詳兩院俟善後存欸充裕再行酌量籌還此後該隄如出險工應仍由府勘估詳請暫於附近釐金項下提撥以濟急需奉批在案此近來徵費之情形也城鄉徵土六局城局設本署棗局設棗林岡岑局設岑河口郝局設郝穴普

局設普濟觀龍局設龍灣市

諭書吏徵土新章○查修隄徵費久等正供當其初用活券弊竇叢生至咸豐年間改用版券分設外局各局諭派書差者以催保傳抗非差不行新舊交接如有虧挪有書則便於追呼而書等不思原設本意以爲諭令管帳收發可以自專侵挪可以聽便衆書差役皆其爪牙幕友委員徒爲傀儡若衆書差役違逆其意則設法以害之保正所給不遂則多方以恐之恐嚇不濟則又違延以誤之委員幕友竟爲若輩詐錢之具非盡愚也以所票所言似近情

荊州萬城隄志

卷六

經費 攤徵

十四

理一涉大意尠不爲其所用而委員幕友終無一言者非盡被其勾通也若輩到局管帳署內必先有安頓此亦人情是以欲言未入而讒言先進若非本府訪察反以委員幕友爲爭利起見幾致敗我新章去年接任之初竊以前此徵土不用委員爲非何則朋友多係外間薦來之人公事自不能悉不得不請教於帳書縱有訛錯該書必推之於朋友知本府決不深求得以行其謫詐委員既有考成又奉委札可以稽核書差免至事事請示此本府改用委員之意也然本年岑局田潤膏與委員頂撞郝局蕭正春

以作筭推之前任朋友積習終未盡改來年該總書於保
派各局帳書務須破除情面核實開送毋許虛應故事一
有虧挪惟原保人是問○一原設大小印流立法固善惟
每小印流數百本大印流亦數十本署內既難細看且無
逐日徵數而券張土方仍舊湯無稽考應將大印流改爲
逐日總印流以總印流歸委員以小印流歸書吏庶便稽
核矣○一查各局有憑紙揮裁券者有憑徵冊裁券者隨
便紙條既恐易於遺失大本徵冊不免裁此延彼且日月
檢查難免破損之虞此後須刻印紙揮以昭慎重而歸簡

荊州萬城隍志

卷六

經費

攤徵

五

易○一本屆新立小印流配搭徵冊分別三限本易清查
惟陳土較新土尤重新土未完尙有來年陳土未完卽成
廢紙弊竇皆從此生此徵獲新陳土方須分別登入新陳
小印流則開卷了然矣○一查本屆新立小印流各局用
法不同究之皆有訛錯此後新陳小印流均須配券置放
隨裁隨記亦可杜偷匿驗銷之弊矣○一查各局藉頭限
徵收踴躍派書十餘名或七八名不等其中圖利而不能
辦事者固多且各存裁撤之見取巧不前一事數人誰執
其咎此後定以額數大局不得過五人一管散冊一管順

保一管印流一裁券張一司帳目小局不得過三人管册
一名帳書一名裁券兼寫印流一名頭限公事極忙大局
准添四人小局准添兩人以二十日爲度其應添之人卽
由各局委員或帳書僱覓以專責成○一向年朋友坐局
諸事未悉必聽帳書指揮該書收發攬爲己權侵挪得以
自便氣昂性傲旁若無人此後該書專管帳目及收錢置
之錢房由委員封鎖將鑰匙交帳書收管彼此箝制如委
員意存虧挪許該書隨時稟揭如該書不受約束初次則
就近戒飭再則稟請責革○一查向年各局帳書夤緣接

荊州萬城隍志

卷六

經費 攤徵

六

充幾同世業洋烟喫著交友肥家取諸宮中享用已慣令
年之虧空乃上年之挪移郝局蕭正春一案乃其明徵卽
或各局更調亦必互爲彌縫科中礙於情面明知之而明
保之此後帳書必殷實老成有卵而向未管帳及委員稟
請接辦之人始准保派惟吸食洋烟者斷不可用○一查
各局所派清書皆工科親友所託多半備數偶有一二人
能辦事者不奉帳書分示不敢前來若委員徑行呼喚帳
書卽暗中挑唆令其告假意存散局岑局田潤膏所爲已
可概見此後除額派帳書外其餘清書由委員僱覓以收

指臂之益○一向章書差每月每名給工食錢三串本不敷用此後額數既定帳書督差每月加給工食錢各兩串局書催差每月各加給一串局內仍各給官飯俸得聚處遇公事無所推託矣惟所加之錢必俟年終撤局核其勤惰以爲賞罰不准先給○一向章冊券開篆後始能齊全其時開徵在卽由各局帳書領到赴局隨徵隨算而督飭之委員稍涉大意卽隱瞞額數以致終年含混不清此後冊券務須早爲催齊由府署清定額數再行札發

請催旗土稟○竊查滿營八旗員弁兵丁欠完萬城大隄

荊州萬城隄志

卷六

經費 攤徵

七

土費歷經稟請檄催完納以濟工用在案茲查本屆大隄歲修工程及防護搶險一切費用浩繁均經卑府挪墊辦竣安瀾告慶而派徵各旗應完土費迭經卑府移催右司按冊嚴催各旗員弁兵丁趕緊完繳接濟工用迄今歲將云暮赴局完繳者僅止五百餘方其餘尙欠一萬七千餘方抗不完納當此清理墊項補發夫礮價值之時籌措辦理殊多棘手查各該旗兵丁受大隄之益獲隴畝之利而卑府責任旣重復受其累殊不足以昭平允合再稟懇將軍俯念隄工墊款緊要嚴檄右司委員督催各旗員弁兵

丁勒限年內將本年新陳土費照冊掃數催繳解府或就
月餉內查明扣收飭發以清墊款感沐鴻施實無涯涘

荆州萬城隍志

卷六

經費

攤徵

六

荆州萬城隍志卷六 經費 攤徵 六

荊州萬城隍志卷六

經費下

支銷

畢制軍續添石磯壩工疏略○再楚省向來築隄並無夯礮一法而土方例價每方止有一錢三分因去冬關工之後天寒日短又因食物昂貴隄邊多有漬水取土較遠每夫二名尙不能挑一方例價僅敷口食若連礮工在內斷屬不敷況土工經久全恃層土層礮自不可稍存惜費之見致滋草率查有岳州人夫素善夯礮當即招募赴工酌給礮價令其專心礮打俾要工

荊州萬城隍志

卷六

經費

支銷

一

益增堅實其增添夯礮工價統俟工竣後核明確數據實奏明辦理

按此另給礮工之案

又查鈔蕭姓家產疏○伏查蕭逢盛各房抄出費產除住房首飾衣服襍物應行估變外其田地契紙共價銀八萬八千一百六十五兩零本應一體換變因此時荊州甫被水災力能承買者甚少蕭姓田產原係招募佃戶耕種按年收租今玉路口西楊林洲有碎石磯嘴壩黑窑廠有碎石裏頭觀音寺一帶亦須添補石磯各工程均應歲加修葺即窖金洲每年翻犁洲面

刷沙淤並當相機挑挖逐漸剷除將來自當歲有需用臣擬將前項田產請旨毋庸變賣仍令原戶佃種照舊納租交管其現銀借項及變賣房屋衣服襍物價銀卽令一并發交附近各屬殷實典舖生息同租籽銀兩解交司庫收貯遇有歲修及增添工程卽由道府勘估明確赴司支領供用按年報部核銷如此則以公辦公悉歸地方利濟實於江郡民生大有裨益矣乾隆五十四年

又奏增給礮價工費疏略○查楚省礮價前於乾隆四十四四十六等年修築潛江鍾祥二縣隄工案內每土一方開報礮夫

荊州萬城隄志

卷六

經費 支銷

二

六分工部准銷銀一分八釐但向止用本地人夫夯礮本不如法臣稔知其有名無實不敢苟圖惜費遷就辦理是以特行奏請另雇今此項人夫來自岳州遠道傭趁有利則聚無利則散且十人一排層層礮打比之本地夯礮其力不啻倍蓰又當災後食物價值數倍平時更兼天寒日短若僅照本地礮價每方一分八釐實有不敷臣當日駐工督辦察訪輿情並與該司道等悉心酌議照江南河工例每礮土一方酌給礮價三分實已撙節再三今查萬城隄補還缺口四段加高培厚十段又楊林洲土壩通共土一百四十一萬一千一百六十九方七釐按每

方三分計算實用礮價四萬二千三百三十五兩八分一釐當俱按各核給實用實銷並無絲毫浮冒 乾隆五十四年

按正項支銷猶可計算浮費不裁終無紀極聞夫頭領錢一千分之者約廿餘處安能涓滴歸公後閱方菊人太守監利修隄約所稱夫頭陋規已十餘項夫頭由境長舉報領土價錢百千須送境長五千名兒子費開工之初先做城隍會議定土價一千委員錢若干委員之家丁火夫轎夫錢若干汛官錢若干汛官之家丁堂差轎夫錢若干縣署跟班門丁壯快皂隸織夫錢若干工房案房弓正隄差

荊州萬城隄志

卷六

經費 支銷

三

錢若干首士及工房弓正隄差之火夫錢若干夫頭領價止有此數人人向夫頭索費若不偷減土方費從何出縣隄如此況道府兩署之工乎是可慨已

朱方伯移會李家埠等工銀價由○查前據署荊州府聯守稟稱荊郡錢價每千易庫平紋銀六錢計錢一千五百文僅易銀九錢修隄人夫雖係發給錢文而工程土方礮工皆係合錢估計此時每銀一兩照市價可易錢一千六百六十餘文若照捐例折算承辦之員每兩須賠銀一錢似須另爲籌計隨奉督憲批飭該守另單稟通工修隄錢文請照市價折銀扣算自係實

情形司議覆惟聞該府係於沙市店舖換錢每屆發銀到工每兩只易錢一千五百四五十文而所收錢文何以每千只折銀六錢據稟係照尋常市價殊難憑信又摺開收試用從九季世琮解過道庫銀一萬九千一百一十六兩五錢八分四釐核與前准鹽道移覆委解銀一萬九千一百一十四兩一錢之數不符此項工程係屬動用之項似應遵奉部咨扣平解部前經詳奉督憲批飭仰候籌發不敷銀兩時再行核辦茲奉前因合亟移會備咨過道煩爲查照希卽一併確查核議通詳並移司核辦一面飭令江陵縣迅將解工捐輸市平銀兩補足庫平以便

荊州萬城隍志

卷六

經費

支銷

四

議叙

道光二十二年

工部都水司奏銷冊式○道光五年四月內經本部查各省州縣地方辦理河道工程各該督撫等具奏原摺內有未經詳叙應辦各工情形清單內僅止工段長丈銀數而無高寬丈尺者又有原奏內已將所辦工程情形聲明其工長高寬丈尺銀數並未開具清單奏報者又原奏已將各工情形聲明復有應須增減工程或具奏清單摺內並未據實聲明抑或清單奏報在先將增減各工丈尺另行具奏者似此辦理參差以致冊報到部難於查核往返駁查案懸莫結當經本部查照前定章程通

行各督撫嗣後凡有修築河道隄埝埽壩務於原奏內將應修工程並填築墊坑塘溝槽窪形積水殘缺河形工程分晰聲明並將各工段長深高厚丈尺銀數詳細開具清單奏報如原奏將各工情形奏明續有應徵應減之工亦應於具奏清單時將更改之處據實聲明抑或清單奏報在先復有增減各工丈尺亦應另行具奏

部議捐修借帑報銷疏○竊臣部職司各直省修辦一切工程勾稽工料細數所以重錢糧而杜浮冒查例載乾隆五十三年欽奉上諭各直省民修之工並非全行報部核銷章程本

荊州萬城隄志

卷六

經費 支銷

五

不畫一修濬隄河等工原爲保護田廬疏消積水起見向係例歸民修者並無保固核銷遂爾漫無覺察豈可不嚴定章程令其一併報銷保固嗣後除些小之工任民間自行辦理外如係緊要處所工程在五百兩以上者俱著一體報部查核予以保固限期著爲令等因欽此欽遵列入則例通行在案今各直省往往有藉捐辦工奏請擘叙亦有借動庫項再令民間攤徵歸欸該督撫或奏明造冊報銷或奏請免其造報辦理殊不畫一近年如直省修辦張家口石壩係先行奏明勸捐事竣請獎並免造報如江蘇省興挑徒陽運河並不先行估計銀數工竣始

行奏報捐款請照籌餉例減成請獎亦免報銷竊思現在軍用浩繁無事不藉民力惟捐款既經請獎卽與動用庫欸作正開銷無異臣等悉心籌酌擬請將應行造冊報部核銷之案明定章程以歸畫一除銀數在五百兩以下工程無關緊要者免其造報卽銀數在五百兩以上而係士民捐修之工並不邀請議叙亦未借動官項者則但令造冊送部備查免其報銷外其餘各工有士民出貲捐修奏請獎叙者有該地方官勸捐與辦工竣奏請議叙並請實任官階者均毋異動用正欸至例在民修之河道隄岸橋座等工有關田廬保障而工程緊要民力未逮

荊州萬城隄志

卷六

經費 支銷

六

奏請借動官欸仍由民間攤徵還欸者又商民以及竈戶各項先行借動官項請修之工事竣分年攤捐坐扣歸欸者自應遵照定例一體造冊報部核銷予以保固限期庶承辦官員不致草率偷減而國帑捐項兩不虛糜矣

林制軍按工給費章程○經費宜按工程分數陸續給發於開工之時先發十分之三以便招集人夫置買器具該夫頭認狀及附近鋪戶保結俟做得三分工程再發十分之三七分工程又發十分之三仍留一分俟做完驗發以防逃避

按荆隄歲修給費冬工支十之一春工支二十之一謂之

棚費餘俟興工陸續支發仍留二成工竣後於五月十三
二平日全數算給如十四日工程有損即歸工局修補予謂工
八兩員保固尙有十年夫頭王竣卽置身事外未免取巧飭令
蕭姓息欸報銷清單○卷查蕭姓田房變價生息咸豐二年提
本止息日期一欸榮前府冊報此欸生息本銀二萬八千六百
一兩防險外又添修補新工費耳

蕭姓息欸報銷清單○卷查蕭姓田房變價生息咸豐二年提
本止息日期一欸榮前府冊報此欸生息本銀二萬八千六百

荊州萬城隍志

卷六

經費 支銷

七

五十二兩六錢六分五釐丙除道光二十九年辦理清查及咸
豐元年兩次查出監利縣書戴增高虧挪本銀一千八百八十
一兩二錢四分三釐外實存發典承領庫平本銀二萬六千七
百七十一兩四錢二分二釐按月一分二釐起息每年應徵息
銀三千八百五十五兩八分五釐又據榮府冊報咸豐二年達
前府募勇防堵動用蕭姓房屋生息本銀二萬五千七百三十
八兩四錢九分六釐八毫五絲四忽七微三塵又據冊報咸豐
二年前署監利縣陳均遠應付兵差動用蕭姓田房生息本銀
三百三十三兩七錢五分又據冊報咸豐三年七月內奉前藩

憲飭提各項生息本銀解過蕭姓田房本銀六百九十九兩一錢七分六釐各等情是此項本銀業經先後提用並無存欸

請撥還蕭姓生息本銀稟○竊照荊州萬城大隄濱臨江河爲川江清江沮漳諸水衝要每年霜清水落查勘險要估工派土徵費興修以資捍衛而每屆勘估之後或水枯灘漲或大汛臨期時有續出險工卽須籌欸搶築未便再派民間是派徵之土方歲有限制而用項之多寡殊無定程是以各前府經理隄工不無賠墊之累卑府職司民牧責重修防自應認真講求力杜弊端摶節浮費惟以二百

荊州萬城隄志

卷六

經費 支銷

八

餘里之長隄爲億萬生靈之保障近年江身愈壅隄身益低每逢異漲輒形漫溢岌岌可危非速籌巨欸加高培厚不足恃以爲固荊州歲修徵土舊章府縣兩署不得過百萬方而所徵之費與所估之價十不過二三故歷年估徵之土僅敷歲修偶出大工卽無可籌之欸恭查乾隆五十年三月內奉 上諭據阿桂等查抄荊州府蕭姓民人家產一摺此項查出財產不可照例入官著阿桂等卽分別估變留於該處以抵工賑之用等因欽此嗣於嘉慶三年經卑前府將查抄蕭姓衣飾變價銀一萬二千五百

七十九兩四錢六分二釐並查抄蕭姓田房變價銀三萬
一千三百三兩八釐九毫六絲均經發典生息每年共徵
息銀六千三百一十九兩七分六釐按年解赴藩庫存儲
籌備萬城隄工之用道光二十一年卑前府程伊涓任內
因上道遙湖等處土石各工緊要曾經稟奉前院憲奏奉
書諭旨准其在於蕭姓生息本欵內動支銀二萬九千
二百二十八兩興修在案茲查蕭姓衣飾變價一欵本銀
前於咸豐二年經卑前府達昌阿任內募勇防堵修城挖
濠及修萬城隄工等事動用本銀一萬二千二百八十兩

荊州萬城隄志

卷六

經費 支銷

九

六錢三分七釐五毫尙存本銀二百九十八兩八錢二分
四釐五毫其蕭姓田房變價一欵本銀內除前江陵縣林
士煥虧挪銀二千六百五十三兩三錢四分四釐又監利縣
書戴增高虧挪銀一千八百八十一兩二錢四分三釐並
經卑前府達昌阿任內於咸豐二年募勇防堵修城挖濠
及修萬城隄工等事動用本銀二萬五千七百三十八兩
四錢九分六釐八毫五絲四忽七微三塵又經前署監利
縣知縣陳均遠於咸豐二年辦理兵差動用本銀三百三
十三兩七錢五分又於咸豐三年七月內奉前藩司提解

過本銀六百九十九兩一錢七分五釐一毫五忽二微七塵悉已動用無存均經報銷有案卑府伏查蕭姓衣飾田房變價生息二款原議籌備萬城隍工之需蓋以此隍工段綿長時慮出險如有要工卽需請撥此款趕緊修防以免貽誤近年乏此專款每致束手無策卽如沙市劉大巷一帶險要異常無款可撥現經巡道督勸紳商捐修石岸此外官民各隍要工尙多需費浩繁未敢遽議前經卑府隨同巡道察其最要之處酌估歲修加意保衛但年復一年汕刷日甚如不預籌專款以備急需誠恐驟出險工卽

荊州萬城隍志

卷六

經費

支銷

十

不免掣肘之患伏查達守及前署監利縣陳令動用蕭姓生息本銀多係辦理軍務已經作正報銷此時楚北軍務早竣百廢俱舉可否將此二款本銀在於北藩庫撥還卑府發典生息以備隍工撥用如藩庫一時無款籌還抑或請將此款造冊具奏銷實爲公便

分別籌發水師營津貼票○竊查萬城大隍乾隆五十二年奏明派撥荆水師營兵丁五十五名駐防自四月初一日起至八月底止每名月給燈火飯食銀五錢在於

蕭姓生息項下給領嗣因食物昂貴議請照原給數量加

增一倍每年共需銀二百六十餘兩退閏之年共應領三百二十餘兩暨於咸豐八年因蕭姓生息本款無存庫項又無款可撥奉

前憲

憲 莊咨准前藩憲馬議定以咸豐八

年起所有該營兵丁防汛燈火飯食銀兩由府在於徵收歲修土費內暫行酌量撥給俟將來軍務平靖司庫充足再行籌計等因當經卑前府祿守查明府署向有津貼荆水師營防護大隄兵丁銀二百兩每於夏秋二汛以銀作錢二百串於土費內酌撥請將該營防汛燈火飯食仿照舊章以銀作錢撥給詳明在案歷年照章辦理並聞釐局

荊州萬城隄志

卷六

經費

支銷

十一

尙有幫項九十餘串近年江水異常泛漲官民各工險要疊出歲修需用浩繁所徵土費不敷支發而夏秋防汛之資更無所出卑府蒞任以來明察暗防嚴防弊竇以期費不虛糜蓋土費出自民脂民膏能省一分費用即惜一分民力雖諸事撙節而二百餘里之長隄土石工程日增一日防汛經費之多寡又難預定即卑前府艾守任內尙有借發工費五千數百串未還左支右絀時形掣肘所有該水師兵丁夏秋二季飯食津貼等項實屬籌撥維艱伏查蕭姓生息一欸前經卑府稟奉憲台核飭俟善後存欸充

本姓裕再行酌量籌還等因現在防汛伊邇該營兵丁原定每
士每名燈火飯食銀五錢可否遵照舊章由該員徑赴藩庫請
一錢領業經移覆該營自行稟核至兵丁燈火飯食暫在土費
撥下項下照數籌撥俟原燈火飯食請領有項再行停止其津
銀令貼下項請自同治十三年爲始減半給發仍於土費項下
工四分夏秋二季撥給以節糜費而示體恤

土工林方伯批現在司庫存項萬分支絀年例一切要欸尙後
時形竭蹶所有原定該水師兵丁燈火飯食銀兩委實無
項可籌仰仍暫於所徵土費項下酌量撥給將來遇有險

荊州萬城隍志

卷六

經費 支銷

十一

工再當酌撥釐欸以濟急需至津貼一欸擬至同治十三
年爲始減半支給應如所稟辦理

土工價○例價每土一方銀一錢二分今折錢一百六十文難
工加夫二名每名銀三分碾每方錢一分八釐後又加一分二
釐今每方折錢三十文倍土隔水距離三百七八十丈及三百
餘丈必須用船裝運每土一方應加一錢二分挑河土每方銀
一錢二分有倍夫有稀泥車水每架用夫六名每名四分甬撥
土楚北每方銀一錢五分翻沙每方銀一錢二分用倒二五收
分挖築土每方銀九分五釐創坡工每名銀四分

按今之方價臨時估計自三百文至八九百文千餘文
不等百六十文之價已不復問矣
石工價○條石寬厚一尺每丈重一千五百觔有運腳上位諸
費每丈價銀一兩五銀新磚長尺二寸寬五寸厚三寸三分有
砌作搬運諸費每塊銀一分二釐碎石每方銀二兩零九分三
釐石灰每百觔價銀一錢每石一丈用灰一擔每磚一塊用灰
六升高堰例也木椿徑五寸杉木每根三錢三分鋸椿斫尖每
工做椿八十根工價銀五分下椿夫每根用夫八名斫打每名
每日下椿十二根每工銀四分

荊州萬城隍志

卷六

經費 支銷

三

按日按荊州條石板石不多用惟碎石坦坡每方給工價錢三
工辦百數十文單擺六百文雙擺千文做法不同刨坡工在內
木價○用灘尺除鼻眼五尺起圍不登木八寸至九寸七分止
價銀二分尺木一尺至尺四寸每寸加銀一分尺四半銀八分
至尺五每寸加銀一分應長三丈五六尺尺五半至尺八每寸
加三分尺八半銀三錢五釐至二尺五寸每寸加銀五分二尺
銀二錢八分應長四丈二尺五寸半銀五錢八分至三尺止每
寸加一錢應五丈外三尺銀一兩五錢應長六寸三尺五分銀
一兩一錢二分至三尺五寸每寸加銀二錢三尺五寸半銀二

兩二錢三分至四尺止每寸加銀四錢四尺零五分銀四兩四錢三分至四尺五寸每寸加銀八錢四尺五寸半銀八兩八錢三分至五尺每寸加銀一兩六錢湖北紋銀九兌其貫頭須看水腳貨殖○

按荆隄惟柴工及掛浪把用椿木木之大小不同時價不同同不可不知其略也○

附江夏縣石岸准銷部章○一江米一升給熬汁柴銀一釐○一抬石白麻以每石一丈七尺用白麻一觔○一水桶以每灰二萬七千七百斤用水桶一隻○一土箕以每石八十

荊州萬城隄志

卷六

經費 支銷

志

二丈用土箕一隻○一篋掃帚以每石三十三丈用篋掃帚一把○一竹杠以每石七十三丈用竹杠一根○一攪棍以每石一百二十三丈用攪棍一根○一化灰槽以每灰四萬四千斤用化灰槽一具○一大灰桶以每灰九萬一千六百斤用大灰桶一隻○一小汁桶以每灰二千二百斤用小汁桶一隻○一灰籬每灰二萬三千七百斤用灰籬一隻○一灰篩每灰六萬四千一百斤用灰篩一面○一筥斗每灰六千四百斤用筥斗一箇○一捆紮青篋每搭棚廠一座用青篋四十仔○一蘆蓆每棚廠一座用蓆一百餘片○一角

每搭棚廠一座用角竹七捆半。一楸棍每棚廠一座用楸棍一百五十根。一茅匠每搭棚一座用茅匠二工。

襄陽老龍隄石工准銷部章。一鐵銀錘每石二千五百丈用一把。一鐵屨每石四百五十丈用一把。一鐵梢每石二百八十二丈用一把。一鐵櫛每石三百四十三丈用一把。一鐵扳子每石二百五十四丈用一把。一大槓每石一百八十五丈用一根。一四牛槓每石六十八丈用一根。一抬擔每石四十五丈用一根。一水桶每灰五萬三千四百斤用一擔。一抬桶每灰九萬一千六百斤用一口。

荊州萬城隄志

卷六

經費 支銷

圭

一灰盆每灰六萬一千一百斤用一個。一灰挽子每灰三萬一千三百斤用一個。一挑灰籬筐每灰四萬七千四百斤用一擔。一灰篩每灰六萬四千一百斤用一把。一水缸每灰七萬五千六百斤用一口。一鐵鋤每灰二萬五千六百斤用一把。一熬漿鐵鍋每汁米八擔用一口。一煤炭每鐵百斤用一擔。七斗。一鐵匠每鐵十六斤用二工。

按此係道光年間工部核准通行章程存以備查

帑項

雍正五年發帑修築郝穴下新開丁子月隄

又六年發帑修築黃潭隄即黃灘隄面積計萬土費一
又六年發帑修築文村隄即黑窩嘴隄並濬小柳口洪魚口
柘林港林家橋等處

乾隆五十三年阿文成公監修萬城大隄分十大段建石磯三
處王賧兩項統用帑銀二百餘萬兩

道光二十二年裕制軍監修岳家嘴潰口並石磯月隄動用帑
項八萬八千九百三十八兩

又二十四年李家準刷寬老隄溢口十餘丈裕制軍督修挽
築月隄共四百六十丈動用帑銀四萬四千五百餘兩

荊州萬城隄志

卷六

經費

帑項

十六

籌借款

咸豐八年借撥鹽課公費○官制軍札據荊州道府稟郝穴龍
二淵隄石磯現已開工捐欸難期應手請就近籌墊等情查
此項工程亟宜趕緊修築惟該道府現已開工捐欸等項難期
應手自應先其所急籌墊趕修以資保障而備不虞除札飭該
道府並荊州水利同知周丞就近迅將荆宜鹽課公費項下共暫
動錢二萬串解交該道府查收外合亟札飭到道府等遵照查
取趕將此項工程如式修築務於春汛前一律完竣稟請驗取
仍將取過工費日期數目具文報查一面將捐項土費逐一收

齊就近解還歸欵毋得草率藉延

咸豐九年續借鹽課公費○官制軍札據荊州道府會稟郝定

龍二淵要工懇再籌撥經費接濟緣由奉批據稟龍二淵隄工

經費支用已盡無可籌措請撥欵接濟等情查該隄險工既已

修有八分將次成功刻下時屆夏汛若不趕築完竣一經盛漲

衝刷堪虞必致前功盡棄所費更鉅准卽在於荊宜鹽課公費

欵內再撥錢八千串接濟要需卽倍集人夫趕將土石各工

刻日修築完竣稟候驗收其內挽月隄亦卽興工趕辦勒限一

月內一律完工稟報毋稍草率遲延大干泰咎仍催徵土費歸

荊州萬城隄志

卷六

經費 借欵

七

遷借欵不得藉延

同治十二年借撥釐金○李制軍札據荊州府倪守稟請就近

借撥釐金錢四萬串興修萬城大隄冬工俟來春徵土陸續遷

欵等情前來除批據稟擬將萬城大隄低處工段一律修培具

見慎重要工惟本部堂訪聞所徵土費如果撙節動用足有盈

餘歷年以來因經理不善鮮有存欵該守諸事核實以後務將

徵收土費清理整頓冀有存貯而濟公用否則一有要工卽希

借用釐金尙復成何事體本年歲修各工趕早加修高固姑念

該守未雨綢繆尙屬急公准暫借撥釐金錢一萬串具領興修

明春在於所徵土費內徵解還欸其不敷錢文應由該府自行設法籌措未便盡借釐欸也仰卽遵照辦理趕緊興修仍將興工日期稟報查核

同治十二年通隄加高借款稟○竊惟荊州萬城大隄濱臨江河綿長二百餘里當岷江之要衝爲下游之保障關係匪輕每年霜清水落通隄勘估歲修以資捍衛查修築隄埝宜於冬晴之際人力旣暇土性亦凝方期堅實惟所派土費向章次年開篆後啟徵春夏始能踴躍故歷開冬工僅能擇要興修其次各工來春陸續接辦均於夏汛前

荊州萬城隄志

卷六

經費 借款

六

一律報竣皆緣巨欸難籌不得不通融辦理也卑府履者官民各隄雖尙寬厚堅固第江心淤墊日高隄身日見其低而夏秋盛漲水距隄巔實不過一二尺風搖浪撼岌岌可危若非旋漲旋消卽有漫滅之懼自應思患預防擬就本年水勢通隄低處酌加三四尺不等所有修培隄腳寬放坦坡補築罅漏歲修土石各工一俟巡憲回轅隨同勘估造冊詳報之後卽於十月內全行開工募夫趕築務期春汛以前一律完竣以仰副大人軫念生民之至意惟是開辦冬工需費甚鉅卑府署中並無閒欸可籌若全向錢

店挪移萬難應手必至停工待費掣肘堪虞卑府前請撥還蕭姓抄產變價之款籌備工程要需仰蒙院憲批飭藩司會同軍需總局核議此款擬俟善後存款充裕再行酌量籌還該隄如出險工應仍由該府勘明實需經費若干詳請暫於附近釐金項下提撥等因詳奉院憲批允在案今查全隄土石各工歲修經費向有定數應俟巡憲回轅後逐段估勘再行詳報惟現開冬工約略估計土價一項先需錢四萬串擬請於附近釐金局如數借撥以濟要需俟來年三月內徵獲土費卽行陸續解還一轉移間隄工

荊州萬城隄志

卷六

借款 捐項

九

受益無窮億萬生靈感戴鴻慈無既矣
按荆隄借款原係奏定章程比因蕭姓生息一欸足敷歲修不須另籌故無借支可庫之案茲錄鹽課釐金等欸皆係就近借撥次年卽如數清繳兼免雜費公私稱便

捐項

道光十四年龍二淵崩坍修築石磯估銀二萬九千一十五兩有奇王太守捐廉兩年計銀五千二百兩分作四年扣攤歸

欸請藩庫先行飭發

道光二十三年觀音磯石工刷坍程太守督同沙市紳耆集捐

錢一萬三千九百八十五緡二百三十六文

道光二十四年修築李家埠五號潰口裕制軍諭湖北府縣捐

輸錢十萬餘緡

出大數餘費不餘於此

道光二十七年古月隄工內章護殿康家橋毛家巷炭碼頭等

處修補石岸明太守捐銀七千四百八十七兩有奇

道光三十年達太守修補康家橋礮岸沙市紳商共捐錢六千

三百餘緡

咸豐九年補砌觀音磯礮岸唐太守諭飭沙市紳耆共捐錢二

萬六百五十有五緡一作二萬二千緡有奇

荊州萬城隄志

卷六

經費

捐項

三

同治十二年修砌劉大人巷石礮岸四百餘丈自劉大巷起至

源康家橋止孫觀察勸諭沙市紳商共捐銀二萬二千五百兩

有奇

按沙市隄惟土工估入歲修碎石護腳間歲一拋至石磯

石岸之工動糜巨萬不得不借資商力咸豐年間東南數

省陷賊止此一隅爲滇蜀黔粵要衝商賈輻輳行李往來

儼然一都會也大隄征費不給往往停工沙市石岸每勸

必輸禮義生於富足良足信也

道光二十三年捐修石磯請獎案○趙中丞疏稱荊州府萬城

大隄爲郡城及下游各州縣保障而隄中之觀音磯石工係本境沙市全鎮屏藩迎溜頂衝尤屬喫重上年夏汛盛漲致將該磯石工衝刷大半當飭荊州府知府程伊湄勸諭紳富商民量力捐輸並派委留荆辦工之縣丞湯景幫同勸捐督修該工估需銀二萬七千餘兩該府倡捐錢一千八百七十串各紳民等陸續集捐錢一萬三千七十串並願將上年捐賑餘賸錢七千一百餘串移湊濟工不敷之數由該紳富等墊辦續捐歸欸現已一律修砌完竣洵屬尙義急公自應分別獎叙所有捐錢三千串之卽用訓導鄧承先捐錢千串之捐職布政理問鄧貽譜

荊州萬城隄志

卷六

經費

捐項

三

及督工最爲出力之捐職訓導李鎔捐職中書鄧貽穀就職副榜李鏞相應奏懇 天恩俯准分別獎勵俾昭激勸除飭取年貌籍貫三代履歷捐數清冊另咨送部其捐錢較少之各紳民由該道府給予匾額示獎

按捐輸請獎與動用帑項無異例應造冊報銷不僅捐數清冊疏中並未敘及部議所謂捐修借帑之項不能畫一

者此也

道光二十四年捐修大隄奏獎案○裕制軍疏稱湖北荊州府萬城大隄現在興工堵築該省官紳商民踴躍捐輸請援現行

中牟河工捐輸之例分別獎勵以昭激勸

按此似仿照豫工事例開捐不待工成請獎也

荊州萬城隍志

卷六

經費

捐項

三

捐輸之例分別獎勵以昭激勸
按此似仿照豫工事例開捐不待工成請獎也
經費
捐項
三

中牟河工捐輸之例分別獎勵以昭激勸
按此似仿照豫工事例開捐不待工成請獎也
經費
捐項
三



